



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

86. Provocat, & impetrat extremâ suaviatione suâ complexum Crucifixi.
Joannes Cardim, Lusitanus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

AMATRIX CRUCIFIXI. 145

Nec multò post accenso cereo, CHRIS-
TI de CRUCE pendentis sigillum te-
nerrimè per VULNERA dissuaviatus pla-
cidissimè expiravit, die XVII. Januar.
Anno salutis M. DC. XX. ætatis LX.

Litt. Peru. Coll. Potosi. Elog. Vit. B. S.

VI.

AMATOR CRUCIFIXI

*Provocat & impetrat extremâ suavia-
tione sua complexum Crucifixi.*

IOANNES CARDIM, Lusitanus, post-
quam spretis luculentarum heredita-
tū ad quas ultrò accersebatur, tabulis,
repudiatis lautè dotatis connubiis, spem
Regiæ beneficentiæ majorum suorum
nixam obsequiis, & Regis pollicitatio-
ne aspernatus, Societatem JESV est in-
gressus, omni virtutum religiosarum
genere excelluit; sed non diu vitam
produxit, quam egregius CRUCIFIXI
Amator illustri documento amoris reci-
proci conclusit. Res ita narratur in vita.

86.
JOANNES
CARDIM
Lusitanus.

Auspicatus erat optimus Religiosus
rerum corporatarum contemplationem,
cū nescio, quā præter solitum dulce-
dine perfusus, excitari se profunda re-
rum cælestium, ac DEI coram intuen-
di cupiditate persensit, & indies ea de-

G

sideria

fideria convalescere magis magisque. Post paulò, cum se pridie prolixâ atque inhumana diverberatione, quæ postrema fuit immaniter concidisset, & mane sacram Hostiam solito maturius obtulisset, tentari cœpit languore, neutiquam, ut præ se ferebat, difficili, quem adeò Medici quoque ipsi periculo vacuum credidère.

Paucis pòst diebus maligna se febris ostendit, tanta in medicinam contumacia, ut temperari nulla ratione, nedum vinci potuerit. Sic ventum ad extrema. Indicat Medicus, propediem moriendum : &, sciscitanti numquid ipsum anxie aut ægrè haberet, conversis ad cælum oculis : Hoc tantummodò, ait, quia incolatus meus prolongatus est. Verùm jam funes tandem mihi ceciderunt in præclaris : etenim hæreditas mea præclara est mihi.

Dicenti cuiquam, faciles ei fore cum Deo rationes, respondit, Ah ! duram sententiam : Reddere Deo rationem, Verumtamen misericors est, & CRYCIATVVM meâ causâ susceptorum recordabitur. Subinde postularis scriptisque insigni pietate Sacramentis, lachrymantibus, qui aderant, Sociis, Rectorem obsecravit obtestatusque est suum, ut cadaver à morte vellet, ac iuberet in fimetum abjici. Et cum ex nutu

Rectoris,

CVLTRIX CRVCIFIXI. 147

Reſtoris, ejus ſe poſtulationis compo-
tem fore credidiſſet, porro petiit, ut ſi-
bi nudo liceret atque humi DOMINI
ſui in CRUCE NVDI exemplo mori.

Demum inſtitutis, dum ſuperfuit
cum DEO, DEIPARA, COELITIBVS te-
nerrimis colloquiis, uſurpatisque è Scri-
ptura Divina compluribus ad acuen-
dam æternitatis in ſe cupiditatem ſen-
tentiis; admoto ſibi ad oſculum CHRI-
STI SERVATORIS CRVCI AFFIXI ſigno
ſuaviter expiravit, Bracharæ XII. Fe-
bruarii die, Anno M. DC. XV. vitæ XXX.
ab initâ Societate ſupra tertium menſe
octavo.

Mirum autem & prodigio par præ-
ſentibus viſum eſt, quod ſupremum
DIVINA VVLNERA ſuavianti, ipſum
CRVCIFIXI ſignum reſixis manibus ac
pedibus, ita ſe illi ultrò injecit, ut fa-
mulum Amatoremque amplecti ſuum,
atque ejus colligere velle inter poſtre-
mos anhelitus, animam videretur. Ad-
mirabilitatem intendit, quod immotis
in ipſa CRUCE claviculis vix ægrè qui-
verit iis ruruſum inferi Sacrum Simula-
crum.

De ejusdem amoris erga Amatorem
ſuum ſignificatione à CRVCIFIXO Do-
mino exhibita, ita teſtatus eſt ſuo chi-
rographo Sebastianus de Matos de Ne-
ronha Archiepiſcopus & Dominus Bra-
charæ,

„charæ. Palam ferebatur, quod in ho-
 „ra mortis peculiaribus è cælo favo-
 „ribus fuerit eum dignatus Salva-
 „tor. Et quod miraculo se refixerit à
 „CRUCE, in quâ pendebat Imago
 „CHRISTI Domini nostri, & super il-
 „lum, ipso exhalandi spiritus articulo,
 „ceciderit. Quamobrem ii, qui ade-
 „rant gloriam ejusdem Domini cele-
 „braverunt, cui famulos suos ad eò ho-
 „nestare complacitum est.

Philippus Alegambe in Vita Ioan. Cardin.

VII.

AMATOR CRUCIFIXI.

*Si Crucem sibi familiarem de collo pen-
 dere solitam, ob causam aliquam ve-
 nerari non potest ante pectus, non
 cessat tamen coram se positam
 aspicere piis oculis &
 colere.*

87.
 JOANNES
 BAPTISTA
 VITELLIVS
 Italus.

IOANNES BAPTISTA VITELLIVS Ita-
 lus, Fulginas, cautissimæ pudicitie
 senex, cum ab eo pusillam ex argento
 CRUCEM Sanctorum Cinerum pigno-
 ribus pretiosam fœmina pietatis eximia
 impetrasset, ac reddidisset, quamvis
 eam de collo gerere consuevisset Joan-
 nes